

## **L'Apa.**

Quale è cusì fine è murtale  
Ch'ellu füssi u to acu, o l'apa bionda,  
Lampatu ùn hè à u mo grembiu mondu  
Ch'un frisgiu lebbiu quant'è l'onda.

Punghji di u mo pettu u tondu bellu,  
Chì nantu more l'Amore o s'addurmenta,  
Venga un pocu di mè russicciu,  
Nantu à a carne tondula è po ribella!

In furia mi ci vole l'infinitu castigu:  
Vale più un male bellu distintu è vivu  
Chè un suppliziu chì dorme è si nasconde!

Sianu puru i mo sensi vivi è accesi  
Cù issu richjamu fine fine è d'oru  
Chì s'ellu ùn ci hè, l'Amore more o s'assuffoca!

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**

## **I passi.**

I to passi, picci di u mo silenziu,  
Santi è pianamente posti,  
Duv'ella ghjace a mo primura  
Għjunghjenu cutrati è muti.

Persona schjetta, ombra divina,  
Tanta dulcezza cù i to passi tenuti!  
O Dii! ...o tanti doni ch'o mi induvinu  
Għjunghjenu à mè, in sti passi nudi!

È s'è a to bocca si avvicina,  
Quandu ti appronti à porghje pace,  
À chì mi stà in piena mente  
Cù u cunfortu di un bellu basgiu,

Ùn mette fretta in issu attu fine,  
Dulcezza d'esse è po di ùn esse,  
Chì aspettendu vi, aghju campatu,  
Cù in core solu quelli to passi.

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**

## **A cinta.**

U celu culor di masca lachendu puru  
Ch'elli l'alliscinu issi sguardi nostri  
Ed essendu à puntu d'oru u tramontu  
In issi rosuli si ghjoca u tempu,

Di pettu à l'abbambanatu è mutu  
Da u piacè chì sbotta da issu quatu pintu,  
Ind'è un' Ombra cù a so libera cinta  
Chì u tempu à mumenti a si arrubba.

È quella cinta vagabonda  
Face in u soffiu lestu è lebbiu  
Trimà u supranu ligame  
Di u mo silenziu cun stu mondu...

Culandi è quì... Sò solu solu,  
È tetru, ... Ma quantu dolce pare a morte

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**

## **E Mergane**

Mergane toste sgrignate  
Sbacche, vinte cun troppu grombuli,  
Parite tutte chjocche suprane  
Scuppiate da e so scuparte

S'è tanti soli ch'è vo patiste,  
O mergane incanterate  
Vi anu fattu di superbia zucilate  
Scriccà mediane di rubbiu,

È s'è l'oru seccu di a buchja  
Quandu ci hè forza piglia è scuchja,  
Botta in gemme rosse di suchju,

Issa luminosa rumpitura  
Face sunnià a mo primura  
Di quella piatta architettura.

**Auteur : Ghjacumu Thiers**

**Compositeurs : Patrizia Gattaceca/ Jean Bernard Rongiconi**

## **Morta ma micca in veru.**

Ed umile è tennera, nantu à a tomba d'incantu  
In l'insensibile ricordu,  
Da tante ombre è rinunzii è d'amore offerta,  
Face u to garbu acciaccatu,  
Mi morgu è ti morgu à nantu, cascù è mi ne falgu,

Ma subitu falatu nant'u tumbinu inghjò,  
Chì quessa a lastra chjosa à cennere mi chjama,  
Quella chì pare morta ma li ne volta a vita,  
Freme ed apre l'ochji, mi schjarisce è mi fraca,  
È sempre mi s'abbraccia è piglia in l'altra morte  
Più cara ancu chè a vita.

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**

## **Internu.**

Una schjava ochjilonga carca à molle catene  
Mi cambia l'acqua à i fiori, ciumba in i cotri da vene,  
In issu lettù à misteru paspanu e so dite pure;  
Ci hè cusì una donna in trà mezu à ste mure  
Chì passa è po rivene decente in u mo sonniu,  
Passa trà i mo sguardi rompe li ùn hà bisognu,  
Cusì passa u vetru à traversu à u sole,  
È di a ragiò pura ci ne risparmia e fole.

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**

## Oda Secreta.

Caduta fiera è dolce fine,  
Lotte scurdate ma chì delizia  
Stende si propiu in l'erba soffice  
Dopu ballatu u corpu lisciù!

Chì mai mai un lume simule  
Cumu issi sprichji statinali  
Nantu à una fronte carca à sudore  
Ebbe cantatu d'avè vintu !

Ma toccu da quellu attrachju,  
Iss' esse tamantu chì fece tantu,  
Chì ballava è rumpia Erculachju,  
Avà hè solu di rosule un catastu!

Durmite sottu à i passi siderali,  
Vittore pianu pianu disghjuntu,  
Chì l'Idra chì cun l'eroe vogà  
À l'infinita hà spartu l'ale...

Ma chì Toru, chì Cane od Orsa,  
Chì ogetti di tamanta vittoria,  
Quand'ell'entre in i tempi sguaiati  
Impone l'anima à u spaziu informe!

Fine suprema, scalusginime  
Chì pè i mostri è pè i dii,  
Pruchjama à l'universalime  
L'atti tremendi in u Celu apposti!

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**

## **Una chì dorme.**

Chì secreti in core mi brusgia l'amica meia,  
È si spira un fiore cun visu lindu ad anima soia?  
Cumu è cun chì suchju a niscentria dolce  
Face issu spampanà di una donna chì dorme?

Fiatu sogni è silenziu, calmana mai vinta,  
Sì suprana, pace forte puru sopr'à u piantu,  
Quandu in pienu sonnu l'onda grave è l'ampiezza  
S'acconcianu in pettu d'una nimica simule.

Catastu addurmintata d'oru, ombre è rinunzii,  
T'arricheti tremenda è tracarca à doni,  
O cerva languida longa à fiancu à una caspa,

Chì senza l'anima chì ùn ci hè, chjappa ind'è l'infernì,  
A forma di corpu puru un bracciu curvu cinghje,  
Cura, a to forma l'accura è stò l'ochji spichiti .

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**

## Rimitore

Ghjimbu contr'un fiume tamantu sempre e mo vugate,  
Mi tiranu à dispiacè da issi belli cuntorni;  
Anima cun pisie e mani, piene da remi è ghjorni  
U cele ùn pò chè cede à tante cavallate.

À core seccu, ochjichjappu da u bellu ch'o sbattu,  
Lachendu maturà ingiru i chjirchjoni di l'onda,  
Vogliu à colpi à colpi rompe l'illustre mondù  
Di frundame è di focu ch'o cantu bassu è ciattu.

Arburi ch'o mi ti incalcu, marezzu senza storia,  
Acqua pinta à fiurami è pace à rifinitu,  
Straccia ti li, o barca mea, imponi li u frunzitu  
Chì si lampu di a calma à squassà ne a memoria.

Mai mai, o l'asgi di u ghjornu, ùn mi anu e vostre grazie  
Patutu quantu u ribellu chì si para à pasponi  
Ma, cumu quelli soli da zitellu mi caccionu,  
Mi ne collu à la fonte, duve un nome ùn hà spaziu.

Indarnu tutta a ninfa cusì sparta ed immensa  
Tene à bracce schjette i mo membri straziati;  
Pianu pianu aghju da rompe mille nodi cutrati  
Ed e strisce argentate di a so nuda pudenza.

Stu secretu rimore ind'è l'acque, stu fiume à modu stranu  
Pone i mo ghjorni d'oru sottu un fasciu di seta;  
Nunda più à cechesca usa a gioia antica  
Ch'un trostu à scappà pianu è senza nisun cambiù.

Sott'à ponti annellati, l'acqua fonda mi porta,  
Volte gonfie à ventu, di sussurru è di notte,  
Correnu à a fronte schjacciata tante volte,  
Ma ch'u so ossu fieru hè duru più ch'a porta.

Passa a notte è ripassa. L'anima li cala sottu  
L'umule d'i so soli, e so palpette leste,  
Quandu, cù quella mossu chì di petre mi veste,  
Mi sprufondu à dispettu di tantu azuru à l'oziu.

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**

## **U Silfu.**

À chì l'hà vistu hà vistu  
Eiu socu lu muscu  
È vivu è dopu scioltu  
In u ventu sepoltu

À chì l'hà vistu hà vistu  
Natu à casu o d'ingeniu  
È po subitu ghjuntu  
L'affare hè digià smuntu

Nè lettu nè capitu?  
À e mente più scelte  
Tanti sbagli incristiti!

À chì l'hà vistu hà vistu  
Solu u spuntà d'un pettu  
Trà stu pannu è po l'altru

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**

## **Di rigiru**

Rigiru ed avvinte,  
Secreti da bugiardu,  
Arte ci sarà più tennera  
Chè quessu l'asgiu lento?

Duve vò eo a sò,  
Ti ci vogliu purtà,  
U mo scopu ùn hè  
Di nuce è fà ti male...

Benchè à boccarisa  
Ed in piena fertà,  
Tamanta libertà  
Ti mette imbasgialita?

Rigiru ed avvinte,  
Secreti da bugiardu,  
Vogliu ch'ellu si aspetti  
U dettu più dilettu.

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**

## **U Vinu Persu.**

Un certu ghjornu à l'Oceanu,  
Ma in chì loche èn sò chì mondu,  
Lampai da impegnu à u sprufondu,  
Un pocu è tantu di vinu raru...

Spaghje à tè, quale volse, o liquore?  
Soca cusì cumandò l'induvinu?  
O qualchì abbramu di lu mio core,  
Pensendu sangue ma dendu vinu?

Sta tralucenza solita di u so lume  
Dopu à issu rossu lebbiu cum'è fume  
Si sparse quant'è nunda sopr'u mare...

È persu quellu vinu sò imbriacate l'onde!...  
Chì saltonu si hè vistu in l'aria amara  
E figure di quelle più prufonde...

**Auteur : Ghjacumu Thiers**

**Compositeurs : Patrizia Gattaceca / Jean Bernard Rongiconi**